

NUNAVUT PARNAI NIRMUT KATIMAYIINGIT  
INUKNUT TUHAQTIPKAINIQ 2016-MUT INIQHIMAITTUT NUNAVUT NUNANGANIK  
ATURNINNGANUT IHUMALIURUT

---

Agnico Eagle Uyarakhiurvinga

TUHAQTIPKAITINNAGIT TITIRAQHIMAYUT TUKHIUTIT

---

Piliuqtaa:

Stéphane Robert

Atan'gnuyaq Munariliqiyiitkut

Agnico Eagle Uyarakhiurvinga

January 13, 2017

# ILUANI ITTUT

## Iluani

1	Qauyimadjutinga Tikinnahuaqtangillu .....	3
2	Uqaqtakhangit Pitquayayullu.....	3
3	Ihuaqtut Uqaqtakhangit Pitquayayullu.....	4
3.1	[I humaalutigiayuq #1 – Tuktut Nayuganginnik] .....	4
3.1.1	Pitquayayut DNLUP-mi .....	4
3.1.2	Uqaqtangit .....	4
3.1.3	Pitquayayut .....	4
3.1.4	Tunngavinga .....	4
3.2	[I humaalutigiayuq #2- Utuqqaq maligaq iliuraqhinggaqtuq ittunut pilaarutingit - uyarat] .....	5
3.2.1	Pitquayayut DNLUP-mi .....	5
3.2.2	Uqaqtangit .....	5
3.2.3	Pitquayayut .....	6
3.3	[I humaalutigiayuq #3 – Himmautingit pauwaqtuutimut pipkaidjutayayut].....	6
3.3.1	Pitquayayut DNLUP-mi .....	6
3.3.2	Uqaqtangit .....	6
3.3.3	Pitquayayut .....	6
3.3.4	Tunngavinga .....	7
3.4	[I humaalutigiayuq #3 – Nalruyuq aulapkaidjutikhangit itirutingit].....	7
3.4.1	Pitquayayut DNLUP-mi .....	7
3.4.2	Uqaqtangit .....	7
3.4.3	Pitquayayut .....	7
3.4.4	Tunngavinga .....	7
4	Taigualiuqtut Pitquyait Ihumagiyangillu .....	7

Agnico Eagle Uyarakhiiurvinga  
Tukhiutikhat Inuknit Tuhaqtipkaidjutikhat 2016mi Inighimaittuq  
Nunavut Nunanganik Aturninnga Ihumaliurut

1/13/2017

## 1 Qauyimadjutinga Tikinnahuaqtangillu

Agnico Eagle angayukhiuyuq Kaanatami gold-mik uyarakhiuqviuyuq piqaqtumik 8nik uyarakhiurviinik Kaanatami (Nunavunmi Quebec-milu), Finland-mi Mexico-milu havaktittiyut avatqumayuq 7,500nik inuknit tamainnit nunaryuamit. Tamna Havakvinga titiraqtahimayuq Toronto-mi New York-milu Niuviqtakhanginnik Himmautiniq (AEM) piliuqhetiklu akitunnait havigalgit taimaa 1957mit. Tamna Uyarakhiiuringa ilitariyait Nunavut ihumaliurhimayumik tunngavik ihumagiqyuaqhutu akuniraalukmut maniliurutikhat piqaqtumik atauhiqmik uyarakhiuvriuyuq (Meadowbank), atauhiq hivumuutuq gold-mik piliuqtut havauhikhaq (Meliadine) atauhiqlu nutaaq gold-mik uyarakhiuqtut (Amaruq) – tamaita ittut Kivalliqmi. Tadja havaktittaqqut 815 inuit uyarakhiurviptikni Meadowbank uumanilu Meliadine– ukuninngalu 305 Inuit Nunataarhimayunik (~36pusantnguyuq havakviup).

Agnico Eagle piliuqtuq angiyumik ukpiriniq inuinnaqnut Nunavunmiutanit hapkuatlu havauhikhat pittarninnga piliuriami hivuniq Nunavunmut nutaqqapta nutaqqangitlu atuqtakhait amihunik ukiunik ikayuutikhanik uumunnga havakhimmaaqniqmik manikniklu ikayuutikahanginnik nunallaanut kavamatkunnulu.

Agnico Eagle akhuurhimmaaqtuq tikinnahuarutinginnut tunigami piliurinnganut nunamik aturninnganik tamaat pigiami tikinnahuaqtamiknik naunaiqhimayuq Titirarhimaninga Angirutiup 11 NLCA-mit, pitqutigiqu pidjutingit havakipta mikkannuat naunaitkutinga. Agnico Eagle akhuraaluk munariyait ilauplutiklu hivuniqmut Inirhimaittuq Nunavut Nunannga Aturninnganik Ihumaliurut taimaa tallimanik ukiunik.

## 2 Uqaqtakhangit Pitquyauyullu

Tamna ihuarhaqhimayuq 2016 DNLUP ilaliutiyuq angiyumik aadlangurninngit munariniq tuktut nayuganginnik. Ukualluami kihimi, nunat qangannuaq tikkuqaqtauyut Ilitariyauyut Munariyauyakhani uumani 2014 iniqhimaittuq aadlanguqtut Munariyakhanginni. Nurraliuqtinnagit nayugangit ilaliutihimaliqtut uuminnga “**atuqtitauyakhangittut**” ilitarilluangillugit uuminnga “**Ilitariyauyut Munariyauyakhani**”. Tamarmik the Nunavut Kavamanga Nunavut Tunngavitkullu (NTI) piliurumangittut atuqtitauyakhanginnik nurraliurvikkmi, nurraliuqtinnagit uumanilu tuktut ikaarvinginni.

Pittailiplugit qinirhiayut uyarakhiuqniqlu piqangittuq atuqtauyumik atayuq ikikliyuumiliqtuq tuktut pihimaittumik pilimaitait piliurninnga aadlanik pivikhaqautikhampik Nunavunmut Nunavunmiunullu, taimaa tuningitillugu nakuutqiamut tuktut amihuninnginnut munarininnga. Talvuuna, hapkuat aadlangurninngit DNLUP-mut piqarniaqtuq akhuraaluk akuniraalukmiklu nakuungittumik ayurhautinginnik hivuniqmut maniliurninnganut Nunavut.

Agnico Eagle angiqtaut Nunavut Kavamaup havaanganut, nakuuyumik ikikliyuumiutigumik munarigumiklu pinahuarutingit, uyarakhiurniq piliurniqlu hulilukaarutingit ittaaqtuq nunguttailiniqmut pivallianiq tuktut

nurralliuvinganit, nurralliuqtinnagit nayuganganit itirutinginnullu. Piqangittuq nakuuyumik atuqtaunginnaqtumiklu atayuq piliurhimayuq ukunanit nutaaq ikikliyuumiutinga tuktunit tamainni Ukiuqtaqtumi qinirhiayumiklu uyarakhiurniqmulluuniit. Ihumagiyaqqut amigaittut hapkuat nunangit piqalluanganmata atuqtauninnganik qangaraaluknitamiklu ilihimaniq naunaittuq Munariyauvinganik tikkuqaqtauyukhaugaluallu uuminnga Ilitariayuyut Munariyauyakhani.

### **3 Ihuaqtut Uqaqtakhangit Pitquayayullu**

Qun'ngiarniq ihumaalutigiayayunit talvani tukhiutikhhat ilaliutiyuq amigattumik naunaittiaghimayut uqaqtakhangit, ihivriuqniq ihuaqtullu pitquayayut aadlanguqtakhat DNLUP-mut, ihuarhaqhimayut hamma:

#### **3.1 [Ihumaalutigiayayuq #1 – Tuktut Nayuganginnik]**

##### **3.1.1 Pitquayayut DNLUP-mi**

Ilangani 2.2.1, makpiraangani 21

##### **3.1.2 Uqaqtangit**

Tamna ihuarhaqhimayuq 2016 DNLUP ilaliutiyuq angiyumik aadlangurninngit munariniq tuktut nayuganginnik. Ukualluami kihimi, nunat qangannuaq tikkuqaqtauyut Ilitariayayut Munariyauyakhani uumani 2014 iniqhimaittut aadlanguqtut Munariyakhanginni. Nurralliuqtinnagit nayugangit ilaliutihimaliqtut uuminnga “**atuqtitayakhangittut**” ilitarilluangillugit uuminnga “**Ilitariayayut Munariyauyakhani**”. Tamna ayurhautinginnik Agnico Eagle-kut pivallianiqlut ihumaliuqtangit pittailiniaqtait hivuniqmi piliurninngut nutaanik pilaarutingit uataanit Meliadine (Fox, Parker Lake unalu Peter Lake) hivuraanillu Meadowbank (Qakuqtaq Naqhat) akiani uyarakhiurviup. Tamarmik Nunavut Kavamanga unalu Nunavut Tunngavitkut (NTI) piliurumangittut atuqtitayakhanginnik nayuganginni hapkunani qanuriliurutaayut.

##### **3.1.3 Pitquayayut**

2016 DNLUP, Ilangani 2.2.1.1, makpiraangani 27, titiraqhimaninngani 2 aadlanguqtukhaq uumunnga “Piqaqtumik ikayuutaayuq ikikliyuumiutikhamut munariniqmulu pinahuarutinik, uyarakhiurniq piliurniqlu hulilukaarutingit ittaaqtuq nunguttailiniqmut pivallianiq tuktut nurralliuvinginni.”

2016 DNLUP, Ilangani 2.2.1.1, makpiraangani 27, titiraqhimaninngani 2 aadlanguqtukhaq uumunnga “Piqaqtumik ikayuutaayuq ikikliyuumiutikhamut munariniqmulu pinahuarutinik, uyarakhiurniq piliurniqlu hulilukaarutingit ittaaqtuq nunguttailiniqmut pivallianiq tuktut itirutivinginni.”

2016 DNLUP, Ilangani 2.2.1.1, makpiraangani 27, titiraqhimaninngani 2 aadlanguqtukhaq uumunnga “Piqaqtumik ikayuutaayuq ikikliyuumiutikhamut munariniqmulu pinahuarutinik, uyarakhiurniq piliurniqlu hulilukaarutingit ittaaqtuq nunguttailiniqmut pivallianiq tuktut nurralliuqtinnagit nayugangani.”

##### **3.1.4 Tunngavinga**

Agnico Eagle ilitariyait uyarakhiurniqmut havauhikhat Nunavunmi qanuriliurutauniaqtut tuktunut. Agnico Eagle nakuuyumik naunaitkutalgit munariniqmut ilaliutiniqmut ikaaqtunut tuktunik. Ikikliyuumiqpaktavut nutqaqhugilluuniit havaktut qimalattittaruik tuktunik ikaaqtunik taimaa mihuaryuit tuktut ikaaliquata. Una uuktuutigillaklugu nutqaqtitpaktavut akhaluutituqtut Meadowbank apqutingani taimaa amihuaryuit kihimi qaangiutigumik. 2012mi, AEM sainiqtut Tuktut ukuatlu Umingmanik Qimalattailiniqmut Angirutinga ukununnga Inuit (KIA) piliuqtait ugariyyaqaptiknik munariqaptikni qanuriliurutiayavut tuktuqaliraangat. Talvuuna nakuuqpiatqumik naunaitkutaqaqtugut Inuknut havaktut adjikutaliriamti qimalattailinngut

tuktunik havaaptitigut. Hapkuat qimalattailiniq ugariiyaqtavullu naunaittuq uumani Nunami Ittut Munariniq unalu Munariniqmut Ihumaliurutiga hulilukaarutiptiknik uumani Amaruq, Meadowbank uumanilu Meliadine. Hapkuat Ihumaliurutitaadlanut naunaipkaqhimagut tuniyauyullu ukununnga Nunavut Ayurhautinginnik ihiivriuqtut Katimayiingit GN-kunnut ukunanullu Kivalliq Inuit Katimayiingit.

Agnico Eagle ilauyuq havaqatigiinginnut naunaiyairami munarigiamilu ayurhautingit qinirhianiqmut uyarakhiurniqmullu hulilukaarutit tuktunut (havaqatigiikhutik GN-kunnut uumani tuktunik qunguhiktiriyuq naunaitkutaq ingutaarvinginnik) aadlangurhimmaaqtavullu nutaat naunaitkutit nutaaniklu qanuriliurutingit munariniqmut ikikliyuumiqhugillu hapkuat ayurhautigiyauyut aadlanullu tuniplugit una naunaitkutaq nunanik aturninngananut ihumaliuqtut havaqatigiiktunut.

### **3.2 [Ihumalutigiyauyuq #2- Utuqqaq maligaq iliuraqhimmaqtuq ittunut pilaarutingit - uyardat]**


#### **3.2.1 Pitquyauyut DNLUP-mi**

Ilangani 6.5.1, makpiraangani 52

#### **3.2.2 Uqaqtangit**

Agnico Eagle-kut Meliadine hivumuutuq qinirhiani gold-mik havauhikhaq Havakviup tuglia angiyuq havauhikhaq Nunavunmi. Tamna Meliadine nunami piyakhangit piqaqtuq 111,757 hectare-nik Inuit nanminiriyanit nuna unalu Kuin nunanga. 2015mi, Havavik uuktuqtut nutaanik pilaarutinik atauttimut ittuq 68,012 hectare-nik, tamarmik Inuit-nanminiriayit nunanga unalu Kuin nunanga piqtinginnut uataanut-tununngavyaa uataa Meliadine havauhikhaq atuqtaillu akhuerutauyuq ikayutikhat qinirhiayut hapkuninnga piqtinginnik.

Kihimi, taimaa piumayauyuq 2016 DNLUP angiqtaukpat, pittailiniaruknaqhiya hivuniqmi pivallianiq hapkuninnga nutaat pilaarutingit akiani qinirhianinnganut. NPC ihumaginiaqtuq akhuraalukmik aadlangurniq ihariaginiaqtuqlu Angirutimut akhurniq unalu, titiraqhimayumi piumayanginnik 2016 DNLUP, hivumuuhimayuq qinirhiani uyarakhiurniqluuniit pilimaitaa angirutinganik. Agnico Eagle ihumagiut ittut pilaarutingit iliuraqtauyukhat utuqqaq maligaq iliuraqhimmaqtuq ittunut pilaarutingit angirutauyuqlu Inuuliriyiitkut Kaanatami (INAC) tamnalu utuqqaaq maligaq iliuraqhimmaqtuq ittunut ittut pilaarutingit tamainni qanurittaanguyunik uyarakhiurniqmut pivallianiqmulu piqangittumik ilaliutingittut ilaliutiyukhaugaluat Nunavut Nunanganik Aturninnga Ihumaliurutinganut.



Piksangani 1: Havauhikhauniaruknaqhiumi (hungayaqtuq) unalu Agnico Eagle-kut pilaarutingit aupayaqatumi.

### 3.2.3 Pitquayuyut

Tamna utuqqaq maligaq iliuraqhimmaqtuq ittunut ittut pilaarutingit tamainni piqaqtut uyarakhiurniqmut pivallianiqlu piqangittumik ilaliutingittut ilaliutiyukhaugaluat DNLUP-mi.

### 3.2.4 Tunngavinga

Piumayauyuq 2016 DNLUP angiqtaukpat, pittailiniaqtuq hivuniqmi pivallianiq ittut pilaarutingit avataani qinirhianinnganit. NPC ihumagittaqtuq akhhuurutauyumiak Aadlangurniq ihariagittaqtuqlu angirutimut akhhuurninnga unalu, titiraqhimagumi piumayanginnik 2016 DNLUP, hivumuuhqimayuq qinirhianiq uyarakhiurniqluuniit pilimaitaa angirutinganik. Una ayurhautiginaqtaa piiriами pilaarutingit nutaat piliuqtiiyt piqangittut aadjikutariikniqmut, qitqani piyuq ittunik pilaarutimik pihimayunut. Una akhuraaluk nakuungittumik ayurhautiginaqtuq qanurittaakhaanik Nunavut nunauyuq qinirhiayuq hivuniqmi maniliurutikaq uyarakhiuryuunit.

## 3.3 [Ihumaalutigiayuq #3 – Himmautingit pauwaqtuutimut pipkaidjutauyut]

### 3.3.1 Pitquayuyut DNLUP-mi


Ilangani 4.3, makpiraangani 38

### 3.3.2 Uqaqtangit

Agnico Eagle havaqatigiyait Nunavut Kavamanga aadlatlu tigumiaqtuuqatauyut piliurniaruknaqhiuumik aulapkaiyuq kuugamit pauwaqtuutikhanga Kivalliqmi Thelon-mi Kazan Kuuganganilu. Titiraqhimagumi piumayauyumit 2016 DNLUP, munariyauhimayuq Kivalliqmi pittailiniaqtuq hivuniqmi piliurninnga himmautikhanganik pauwaqtuutikhqa havauhhikhat Thelon-mi Kazan Kuugangani imaqarvinginni.

### 3.3.3 Pitquayuyut

Agnico Eagle pitquyait aulapkaidjutikhambut piliurniq aulapkaininnga kuugamit pauwaqtuutikhanga Aleksektok Kuuga Thelon Kuugami Kazan Kuugamilu pipkaidjutigiayuukhaugaluaq titiraqhimagumi umani Ilitariayuut Munariniq.



Piksangani 2: Piumayanganik aulapkaininnga kuugaq pauwaqtuutikhanga Aleksektok Kuugangani Thelon Kuugami Kazan Kuugalaaqtumilu

### **3.3.4 Tunngavinga**

Himmautit pauwaqtutikhat akhuurutauyut ihariagiyangit Nunavunmut piliuriami havauhikhanik tamainni Nunavunmi unghiktunut nunat ikikliyuumiriamilu akiingit pauwaqtuttingit Kivalliqmi ittunut nunallaangit. Piliurniarukhaqhiyanik pauwaqtutimut ikayuutikhat Nunavunmi akhuurutauyuq ilanga Nunavunmi ikikliyuumiriamti nutaaq ukpirluyangi urhuqyaqmik pauwaqariami tamainnut Nunavunmiutanut pipkaidjutigiamilu Nunavummiut havaarigiami ikikliyuumirahuaqlugu nunaryuaptikni puyurluk nakuungittuq anirnirlirnaqtuq anianiit ikayuriami aadlangurlugu nunaryuaptikni hilaup aadlangurninnga. DNLUP nutqaqtitakhaungitaa piliurninnga aadlamik pauwaqtutikhamik kihimi pikaidjutiyukhaugaluaq havauhikhanik titiraqhimagumi llitariyauyut munariniqmut qanurittut. Nunavut havaariyakhaalu naunaipkariami hilaup aadlangurninnganik pipkaidjutigilugu naunaipkaiyuq nanmininnga ukpiiyangit piyuqmit ittut urhuqyuat.

## **3.4 [Ihumaalutigiayuq #3 – Nalruyuq aulapkaidjutikhant itirutingit]**

### **3.4.1 Pitquayayut DNLUP-mi**

Ilangani 5.5.1.2, makpiraangani 44

### **3.4.2 Uqaqtangit**

Agnico Eagle havaqatigiyait Nunavut Kavamanga aadlatlu tigumiaqtuuqatauyut piliurniaruknaqhiumik apqutimik uqaqtigigiami alruyamik uumani Manitoba Qamaniittuamillu. Titiraqhimagumi piumayanginnit 2016 DNLUP, munariyauyuq nunannga Kivalliqmi pittailiniaqtq hivuniqmi piliurniq nalruyumik aulapkaidjutikhant itirutinganik Manitoba-mit Kivalliqmi.

### **3.4.3 Pitquayayut**

Agnico Eagle pitquayait aulapkaidjutingit piliurninnga nalruyumik aulapkaidjutikhant pipkaidjutikhaugaluat titiraqhimagumi llitariyauyut Munariniq.

### **3.4.4 Tunngavinga**

Nalruyumik aulapkaidjutikhant akhuraaluk ihariagiyayuq Nunavunmut piliuriami havauhikhanik tamainni Nunavunmi unghiktumut nunanut ikikliyuumiriamilu akingit niqit tamayanilu Kivalliqmi.

## **4 Taigualiuqtut Pitquayait Ihumagiyangillu**

Makpiraangani	Qanurittuq, Pitquayayut Tunngavingillu
makpiraangani 12	<p><b>Tukihiurutingit</b> – “Ingilraviutikhaq Aulapkaidjutikhaq” tadja naunaiyahimaittuq.</p> <p><b>Pitquayayut</b> – Naunaiyarhimayukhaq hivituyumik ihumaliurutimi ilaliutigiami ukiumi tamainnilu anuri apqutit, tulukvingit, milvingit, havigalik apqutingit, aadlallu igluqpingit piliurhimayut ikayutigiami ingilraninnga inuit hunavaluilliuniit.</p> <p><b>Tunngavingit aadlangurniqmut</b> – Ingilraviutikhaq Aulapkaidjutikhaq akhuraaluk ihariagiyayuq havavikmut piliuriami havauhikhanik tamainni Nunavunmi unghiktunut nunanut. AEM unalu Nunavut Katimaninnga Uyarakhiurviuyunut pitquayait ihumaliurutinga naunaittaqtumik uqaqtaa ukiumi apqutingit pauwaquutingillu alruyat pittaqtat itirutingani ukunuuna munariyakhanginni.</p>
makpiraangani 22	<p><b>Ilangani 2.2.1.1.</b></p> <p><b>Pitquayayut</b> - titiraqhimaninnga 2 himmiqtauyukhaq uuminnga “Nakuuyumik ikikliyuumiutimik munariyumiuklu pinahuarutimik, uyarakhiurniq piliurninngalu</p>

	hulilukaarniq ittaaqtuq nungulaittumut pilurninnga uumani tuktut nurraliurvinginni.”
makpiraangani 22	<b><u>Ilangani 2.2.1.2.</u></b> <b>Pitquayayut</b> - titiraqhimaninnga 2 himmiqtauyukhaq uuminnga “Piqaqtumik ikayuutauyuq ikikliyuumiutikhamut munariniqmullu pinahuarutinik, uyarakhiurniq piliurniqlu hulilukaarutingit ittaaqtuq nunguttailiniqmut pivallianiq tuktut itirutivinginni.”
makpiraangani 22	<b><u>Ilangani 2.2.1.3.</u></b> <b>Pitquayayut</b> - titiraqlugu titiraqhimaninngani “Kihimi, Piqaqtumik ikayuutauyuq ikikliyuumiutikhamut munariniqmullu pinahuarutinik, uyarakhiurniq piliurniqlu hulilukaarutingit ittaaqtuq nunguttailiniqmut pivallianiq tuktut nurraliuqtinnagit nayugangani.”
makpiraangani 52	<b><u>Ilangani 6.5.1</u></b> <b>Pitquayayut</b> – Piiyaqlugu titiraqhimagyuq una “Kihimi, himmautinga atauhiqmit atuqtauyumit uuminnga Uyarakhiurniq Pivallianiqliu aadlamut ihariaginiaqtuq nutaamik Angirutimut Akhuurninnganut”.